


صاحبی ، مدیری ، محرری :



اسلامك نفعنه خادم مقالات
مع الت شكر قبول ونشر اولونور
يازاله شخصيتي دكل ، يا زيناك احميت
نظردقت آلتير .

كلن يازيلردن شايان قبول كوردولنلر:
تامر صيراسيله دوج ايديليز .



مخمس

۱۳۳۸

علمي ، ادبي ، اجتماعي و شيميك شري
مجموعه در

۱۳۴۰ محرمه مخصوص نسخه

عدد : ۱۵

اداره خانه سي : شهرزاده باشندده

تعالی اسلام

جميعتي مركز عموميسي

مركز توزيبي :

باب عالي جاده سنده (اتحاد


تجارت) كتيخانه سي

آبونه بدلي :

سنة ليكي ۱۲۰ غروش

آلتی آيلني ۶۰

اوج آيلني ۳۰



في ۱۰ غروش

ممرجات :

مخمس علمي و فلسفي : حكمة الاشراق - محمد شرف الدين . خوف ورجا - نيازي .

مخمس اتقادي : معهود هذيان قوفه رانسي حنده - طاهر المولوي . تاريخي بر مقايسه - طاهر المولوي .

مخمس ادبي : شهيد كربلايه - توقادي زاده شكيب . نشيده مولويانه - احسان محوي . ترجمه لرمدن -

شرف الدين تنظير غزل بهاني - محمد صادق . جانلي برقولايه - م . انور . برقطمه - فريد . غزل - امين خاكي
مخمس فني - دكتر لك صوبي نه دن طوزلودر - سمدی .

مخمس تاريخي : ابوزر غفاري - طاهر المولوي - محرم وماتم - طاهر المولوي - مشركين عربك مشهور پوتلري
طاهر المولوي - قنديل كيجه لرنده مناره لرك تنويري - تاريخ سلايكي . امين خاكي به دائر - عبدالباق .

مجله علمی و فلسفی

فلسفه: فیض محمدی بر قانع باری

حکمة الاشراق

قدما: حکمتی اوزون اوزادی به تعریف و تقسیم ایدر لکن علوم فلسفه آورده: تصوف علوم اسلامیه کی موقفده اولمق اوزره برده (حکمت اشراقیه) اولدینی سویلر بر بون کون المزده بو طرز حکمته دائر یکه بر کتاب واره اوده شهاب الدین سهروردی [۱] نك (حکمة الاشراق) نامنده کی اویدر . بو کتابه بر جوق اکابر عطف اهمیت ایدر که شرح ایتش لردو که بونلر که هر جهته برنجیلری (شارح علامه) در . [۲]

[۱] (شارح علامه) نك «الشیخ الفاضل والحکیم الکامل مظهر الحقائق ومبدع الدقائق شهاب الملة والهدی سلطان المتألهین قدوة المکاشفین» دیه یوسف ایتش اولدینی (ابوالفتح محیی بن حبش) فرط کا صاحبندن بر حکیم ایدی . (۳۶) یاشنده ایکن (۵۸۶) ده حب حکمداری (ملک ظاهر) زمانده قتل ایدلشد . (المؤید بالملکوت) لقیله ملقب ایدی . (تلویحات) (مطارحات) وایام صباوتنده تألیف ایلش اولدینی (هیا کل النور) (الواح) [خرپوت] حکمداری (عمادالدین ابوبکر بن قره ارسلان) نامنه تألیف ایتشدر (وسائر آثار یله بو (حکمة الاشراق) ی وارد . (هیا کل النور) یی درسنأ او قودیم صیرالرده :

کوکل هیا کل نوری او قور او قمتدن معانی نکهم درس حکمة الاشراق بن اول حکیم سرائر شناس سودام مشاعرده جلیدر مطارحات فراق

دیمش ایدم .

[۲] علوم مدرسیه نك پادشاهی اولان بو ذات یعنی (قطب الدین شیرازی) علامه لکده برنجی هدایدیلوب

شارح علامه نك بو کتاب حقنده کی توجهی فوق العاده در . شرح نك مقدمه سنده [نقط ۳] الهی و هیچ سلو کیده بر یوزنده بوندن اشرف واعظم وانفس واتم بشقه بر اثر بیلمدیکن [سویلیور . متن صاحبی (شهاب مقتول) دخی (حکمت مشائییه) دن باحث اولان (تلویحات) و (مطارحات) کی آثار سائر منه نظراً؛ بونی؛ یعنی حکمت اشراقیه دن باحث اولان بو (حکمة الاشراق) نی، انسانک یوریمک ایچون محتاج بولندینی ایکنجهی آباغه تشبیه ایتدیکن کی بالجه آثارینه فائق اولدیفنده تنبیه ایدر . جوراده: کتاب ورساله لرینک اکثریننده بونی مدح ایله مسائل مشکله نك حلنی بوکا احاله ایتدیکن ده علاوه ایتک لازمدر .

بر مقدمه ایله باشلا یان بو کتابک ایکی قسمی وارددر . (۱) (ضوابط فکریه) قسمی اولوب بونده (تعاریف)، (حجج)، (مغالطات) دن باحث اولمق اوزره اوج مقاله وارددر .

(سعدالدین قناتزانی) بوکا نظراً (علامه ثانی) صابیلر، علوم دینه، عقلیه و ریاضیه ده ماهر اولدینی کی فون غریبه بی دخی بیلیر ایدی . (فتح المنان فی تفسیر القرآن) نامنده یزق جلد بر تفسیر یله اصول و بلاغت، طب، حکمتدن باحث آثار مهمه سی وارددر . (نصیرالدین طوسی) نك اک ممتاز تلمیذی ایدی . مباحث دینه ده استاد بی مغلوب ایدر ایدی . قونییه ده بولندینی ائنده (محمی الدین عربی) حضرت لرینک ربیبی (اوکی اوغلی) مشهور (صدرالدین قنوی) دن (ابن اثیر مجدالدین) ک (جامع الاصول) نی کندی ایله یازوب قرائت ایتشدر . [ینه بو ابن اثیرک (النهایه فی غریب الحدیث) نام اثرینک قطب شیرازی، خطیله اولان نسخهنی استنبول رجالدین برینک کتبخانه سنده کوردیکن بر وسیله اسماعیل حق افندی حضرت لری (کتاب الخطاب) نده سویلیور . ص ۲۸۹ ابن اثیرلر حقنده معلومات آلمق ایستیلر محرر عاجزک (ابن اثیرلر و مشاهیر علماء) نامنده کی اثرینه مراجعت ایده بیلرلر . [۷۱۰ رمضانده ارتحال ایتشدر .

[۳] طرز، طریق

عالمك حجج و بيناته مالك بر شخصدن خالى
اوله جفتى صاقين ظن ايله [چونكه عنايت الهيه
وجود عالمي اقتضا اينديكى كى آنك صلاحتي ده
اقتضا ايدركه بوده تأسيس قواعد و تشريع شرايع
ايدن حكماء مثاليه و ابسته در. بناء عليه بر بوزينك
حجج الهيه بي اقامه ولدي الحاجه بونلري اهلك افاده
واقاضه ايجون وسايط فيوض باري اولان ذواتدن
ويا ذاتدن خالى اولمامسي واجبدر. هر هانكي بر
زمانك بونلردن خالى اوله جفتى فرضي اولنسه فساد
ظاهر اولوب ناس هر ج و مرجه گرفتار اولور .
عنايت ازليه ايسه بوكا مساعد و ككدر . كوزلرمز
كيرييك وقاش احسانيله بقاء نوع انساني خصوصنده
جزئي فائده لري بيله اهمال ايتمين ذات باريك مدار
نظام عالم اوله جفتى منقعي اهمال ايتيش اولمسي ناصل
قبول اولنور . مع هذا كه عقل سليم ده حدسي طريقيله
بونك وجودينه حكم ايتكمده در . شارح]
بو؛ بر بوزنده اللهمك خليفه سيدركه مادام الساء
والارض قائم و دائمدر . (*)

اكر بر زمانده ؛ تاله و بچنده متوغل اولان
حكيم الهيه بولنه جق اولورسه رياست آنك اولوب
خليفة الله اودر . اكر بو بولنرسه رياست ؛ تالهده
متوغل بچنده وسط اولان ذاتكدر . اكر بوده
بولنمه جق اولورسه تالهده متوغل عديم البحت اولان
خليفة الله بولنوركه بو ؛ خلفاء الهيه نك صوك
صرتبه سيدر . يالكز بچنده متوغل اولانلر ايجون
ارض اللهده خلافت بوقدر . چونكه خلافتده تلقى
شرطدر . [متألهك اتصال ووحى ايله باري تعالى
وعقولدن اخذ و تلقى به اقتداري وارور . يالكز
بحث ايله اشتغال ايدنلر ده بوقدرت بوقدر . شارح]

پس بهر دورى ولي قائمست

(*) آرمایش باقیامت دائمست

مثنوی

(۴) (انوار الهیه) قسمیدر كه بونده ده (نور
و حقیقت نور) ، (ترتیب وجود) ، (کیفیت فعل نور
الانوار) ، (جسم رازخ) ، (معاد و نبوت) دن باحث
یش مقاله اولوب بومقاله لرك بعضیلری فصللره
ایرلمشدر .
اوزونجه اولان مقدمه سنده (علم الانوار)
دیدیکی مبدأ اول ، عقول و نفوسى معرفتده و بو
عالمه مبتنی اولان علملر ده بالجملة حکماء مثالیه نك
سوزلرنده کی رمز لری قالدیر بيله جق اولورسه كند بيله
یان یانه اولد قلربی و (جاماسب) و (زرجهر) کی
حکماء فرسك نور و ظلمت لری دخی صرف بر رمز
اولوب بونلرك جمله سی عوالم ثلاثیه [عالم العقل ،
عالم النفس و عالم الجرم . شارح علامه] - قائل اولقله
برابر توحیدده اتقاف لری بولندیقی و اصول مسائلده
اختلاف لری اولدیقی صوبلد كد نصكره مراتب و طبقات
حکمایی تفصیله باشلا بیه رقی بونلری اون طبقه یه [۴]
آیور و طالمك هیچ بر زمان بونلرك برندن خالى
اوله میه جفتی سوزلر و دیركه :

[۴] (۱) تالهده متوغل عديم البحت حکیم الهیه
[اکثر انبیاء کرام و ابوبایزید بسطامی و سهل بن عبدالله
التستری و امثالی اولیا کی . شارح]
(۲) بچنده متوغل عديم التاله [ارسطو ، فارابی ،
ابن سینا کی . شارح]
(۳) هم تاله و هم بچنده متوغل حکیم الهیه [بو
طبقه کبریت احمردن اعتر اولوب متقدمیندن بویه بر کیمسه
بیلمدیکی کی متأخریندن ده بو کتاب صاحبندن بشقه
کیمسه بوقدر . مکرکه بچنده کی توغل تفصیل بمجل
ایدلکسزین اصول و قواعد اساسیه یی بیلمکدن عبارت
اولسون . شارح]

(۴) تالهده متوغل بچنده متوسط حکیم الهیه

(۵) تالهده متوغل بچنده ضعیف حکیم الهیه

(۶) بچنده متوغل تالهده متوسط حکیم

(۷) بچنده متوغل تالهده ضعیف حکیم

(۸) بحث و تالهی طالب

(۹) یالكز تالهی طالب

(۱۰) یالكز بحثی طالب

بوریا سندن مقصد تغلب اولموب امام مثاله ظاهر
و مستولی اولدینی کی خفی دخی اولور که خلق بوکا
(قطب) دیر لر . بوجندن صوکره مقدمه ینه بوجه
آنی دوام ایدر :

طلبه نك الك ايسی بحث و تألی طالب اولاندیر .
صکره یالکیز تألی وال صوکره دخی یالکیز بحثی
طلب ایدندر .

بو کتابمز برنجی قسم، یعنی هم بحث و هم تألی
طالب اولانلر ایچوندیر . تأله ایتمین ویا طلب تألهده
بولنمیان باحث ایچون بو کتابدن نصیب یوقدر .
بو کتابی اوقویه جقلرک الاشاعی درجه سی کندیلرینه
بارق السی کلش اولمالی و بونک کلمه سی کندیلری
ایچون ملکه اولمش بولنلیدر . صرف بحث طریقنی
طوتانلر مشاؤنک اثرینه اقتفا ایلسینلر .

اشراقیونک مسلکته سوانح نوریه سر کیرلر .
بو کتابده ذکر ایدلمش اولان قواعدک انوار و بوارق
الهییه اوزرینه ابتنا ایدنلری واردر که بونلر ده، یعنی
اصول و قواعدده رشک حاصل اوله جق اولورسه
مبادی عقلیه و سوانح نوریه بی بالمشاهده ازاله ایدیلر .
ناصل که محسوساتی (کواکب و اجسام طبیعیه بی .
شارح [مشاهده واحوال عارضه لرینی (کواکب
رجوع و وقوفلری و بطائت و سرعت حرکتلری
وسائر کبی . شارح [معاينه ايله بونلرک اوزرینه
هیئت و امثالی کبی علوم صحیحه بنا ایدیورسه ق
روحانیاتدن دخی ذوات مجرده بی و آنلرک اشراقاتنی
مشاهده ايله بونلرک اوزرلرینه ده علوم الهیه و اسرار
ربانیه بنا اولنور .

مشاهده انواره واصل اولما یانلر حکمتدن
صفر ایددرلر . مغلوب شکوک اوله جقلری محققدر .
مقدمه ده (منطق)ی اختصار ایتش اولدینی ده
صویلیور :

تفکری تنظیم ایدن آلتی ده عدداً قلیل وفائده
کثیر ضوابط ايله مضبوط و مختصر برطرزه قویلم .

[تصرفات لطیفه و تنقیضات شریفه اجرا ایتشدیر .
ازان جمله ضروب نایجه لرینه برابر اشکال
اریمه بی ایکی موجه کلیه ضروریه دن مرکب بر شکل
اولک ضرب اولنه رد وارجاع ایتشدیر . شارح]
ذکی اولان ذاته و طلبه اشراقه کافیدر .

خلاصه مقدمه بو یازد قلمزدن عبارتدر .
کتابک برنجی قسمی اولان (ضوابط فکریه) نک
برنجی مقاله سی هر منطق کتابی کی الفاظ بحثله
باشلا یه رق تعریفلری بیلدیریر . بونده یدی (ضابطه)
ایله بر فصل واردر .

قضایا و قیاساتدن باحث اولان ایکنجی مقاله ،
یعنی (حجج) مقاله سنده دخی یدی (ضابطه)
ایله ایکی (قاعده) و اوچ فصل واردر . بو قسمک
اک مهم مقاله سی مغالطات و بعض محاکاتی احتوا
ایدن اوچنجه مقاله در . بونده حکمت ذوقیه ایله
حکمت بحیه نك محاکمه سی واردر (ارسطو) نک
خواجیه سی (افلاطون) دن ناصل آیریلدینی
صفحاتله تماش اولنور . فلسفه قدیمه تدقیقاتی ایچون
بولنلر بر خزینه در . [بیلم دارالفونلیر من ایچنده
بو کتابی کورن وارمیدر ؟]

کندیسی مقولات عشره بی درده ایندیردیکی
کی خصوصی پک جوق نقاط نظریه در میان ایدیور .
(غزالی) و (ابن رشد) ی آوروپالیر یازد قلم
صکره بونلرک صوینک صوینی بزه بیلدیردکری
کی (شهاب الدین مقتول) ی و فلسفه سنی اوکر نمک
ایچون ینه غریبی بر صاحب همتی بکلیه جکیز . بز
کونشک ضیا و حرارتندن طوغری دن طوغری به
دکل، برتوسوز واسطه سیله استفاده کوچوکلکنه
الشمس . [۱]

مدرس لردن : محمد شرف الدین

[۱] کتابک ایکنجی قسمی تشکیل ایدن (انوار الهیه)
تأمیله فلسفه خصوصیتی تمثیل ایتدیکندن صداعی موجب
اولماقی ایچون اوابانده اختیار سکوت ایدلای .